

ANG SIMPLE NGA PLANO SANG DIOS SA KALUWASAN SONO KAY LUCAS

1. Kay tanan kita makasasala!

Indi sang mabudlay batunon nga kita tanan nakahimo sang mga butang nga indi sang maayo, apang ginahimo naton ini sila. Ini ginatawag nga sala! Nakasala kita sa sini kag ginahimo ta ini gikan sang gintawo kita.

LUCAS 5:31-32 Kag si Jesus nagsabat sa ila, “Ang mga mayo walay kinahanglan sang manugbulong, kondi ang mga nagamasakit; wala ako magkari sa pagtawag sang mga matarung, kondi sa mga makasasala sa paghinulsul.”

LUCAS 18:19 Kag si Jesus nagsiling sa iya, “Nga-a bala nga gintawag mo ako nga maayo? Walay bisan sin-o nga mayo kondi ang Dios lamang.

LUCAS 18:13 Apang ang manugsukot sang buhis, nga nagatindog sa malayo, indi sia buut bisan magbayaw sang iya mga mata sa langit, kondi nagpukpuk sang iya dughan nga nagsiling, ‘O Dios, magmaloloy-on ka sa akon nga makasasala!’



Kay tanan kita makasasala!

2. May bayad ina nga sala!

LUCAS 16:15 Apang nagsiling sia sa ila, “Kamo amo ang mga nagapakamatarung sang inyo kaugalingon sa atubangan sang mga tawo apang ang Dios nakakilala sang inyo mga tagiposoon; kay ang ginapakamataas sa tunga sang mga tawo kangil-aran sa itololok sang Dios.

MGA TAGA-ROMA 6:23 Kay ang bayad sang sala amo ang kamatayon, pero ang kabuhi nga wala sing katapusan amo ang regalo sang Dios sa mga yara kay Cristo Jesus nga aton Ginoo.

JUAN 3:18 Gani ang bisan sin-o nga tawo nga nagatuo sa iya indi pagsentensyahon *nga silutan*, pero ang bisan sin-o nga wala nagatuo sa iya nasentensyahon na tungod nga wala siya nagtuo sa bugtong nga Anak sang Dios.

Bugna 20:12-15

12 Kag nakita ko ang mga patay, magamay kag dalagku, nga nagatindug sa atubangan sang Dios; kag ang mga libro ginbuksan: kag ang isa na man ka libro ginbuksan, nga amo ang libro sang kabuhi: kag ang mga patay ginhukman gikan sinang mga butang nga nasulat sa mga libro, sono sa ila mga binuhatan.

13 Kag ginhatag sang dagat ang mga patay nga yara sa sini; kag ginhatag sang kamatayon kag impierno ang mga patay nga yara sa ila: kag sila ginhukman ang tagsa ka tawo sono sa ila mga binuhatan.

14 Kag ang kamatayon kag ang impierno gintagbung sa linaw nga kalayo. Ini amo ang ikaduhang kamatayon.

15 Kag ang bisan sin-o nga wala makit-an nga nasulat sa libro sang kabuhi gintagbung sa linaw nga kalayo.

3. Si Jesus napatay kag nagbayad sang aton mga sala sa cruz!

LUCAS 19:10 Kay ang Anak ssang tawo nagkari sa pagpangita kag sa pagluwas sang nadula.”

LUCAS 24:46 kag nagsiling sia sa ila, “Amo ining nasulat, nga ang Cristo mag-antus kag mabanhaw sa ikatlo nga adlaw,



4. Ang kaluwasan libre nga dolot, indi bangud sang maayong buhat. Batonon mo ang pulong sang Dios, kag magtoo kay Jesus lamang!

Ang kaluwasan amo ang pagsalig kag pagbaton kay Jesu Cristo bilang imo nga manluluwas. Pagsalig ini sa kamatuuran nga si Jesu Cristo napatay sa crus sang Calvario para sa pag bayad sang imo mga sala! Ini paghangup nga wala ka sing may mahimo para maluwas ang imo kaugalingon kag kumpleto nga pagsalig kay Jesu Cristo para sa pagluwas sa imo. Indi ang eglesia ang makaluwas sa imo. Indi ang bautiso, indi ang mga maayong binuhatan, indi ang mga sacramento, indi ang paghinulsol, indi ang pagpangamuyo, indi ang maayo nga kabuhi- **INDI ANG MASKIN ANO NGA BAGAY NGA SARANG MO NGA MAHIMO!**

MGA TAGA –EFESO 2:8-9 Kay bangud sa bugay naluwas kamo paagi sa pagtoo; kag ini indi inyo kaugalingon nga buhat, ini amo ang dolot sang Dios – indi bangud sa mga buhat, basi ang bisan sin-ong tawo magpabugal.

TITO 3:5 ginluwas niya kita indi bangud sa mga buhat nga aton nahimo sa pagkamatarung, kondi sa gahum sang iya kalooy, paagi sa paghugas sang bag-ong pagkatawo kag pagbag-o sa Espiritu Santo,

MGA BINUHATAN 4:12 Kag walay kaluwasan sa bisan kay sin-o nga iban, kay walay iban nga ngalan sa idalum sang langit nga ginhatag sa mga tawo nga paagi sa iya kinahanglan kita maluwas.”

5. Dapat ibutang mo ang pagtoo kag pagsalig kay Cristo lamang!

LUCAS 13:3 Nagsiling ako sa inyo, Indi; apang kung indi kamo maghinulsul tanan kamo mapatay man.

LUCAS 18:17 Sa pagkamatuud, nagsiling ako sa inyo, ang bisan sin-o nga indi magbatun sang ginharian sang Dios subong sang bata nga diotay indi sia nga mas-a makasulud sini.”

TAGA-ROMA 10:9-10,13 bangud nga, kon itu-ad mo sang imo baba nga si Jesus Ginuo kag magtuo sa imo tagiposoon nga ang Diyos nagbanhaw sa iya, maluwas ka. Kay sa tagiposoon ang tawo nagatoo nga sa pagkamatarung, kag sa baba ang pagtu-ad ginahimo nga sa kaluwasan...Kay, “ang bisan sin-o nga magtawag sa ngalan sang Ginuo maluwas.”



Ibutang naton ang pagtoo kay Cristo lamang!

Kung gusto mo gid mahibal-an sang sigurado subong dayon nga ikaw makakadto sa langit, pangamuyoa ining pangamuyo nga hugot sa imo tagiposoon.



Ginoong Jesus,

Ginaako ko nga ako makasasala kag dapat ako ihaboy sa impierno, pero Ikaw napatay sa cruz, ginlubong kag nabanhaw sa ikatlo nga adlaw. Nagapangayo ako sang patawad sang akon mga sala. Ginabaton ko Ikaw bilang akon Dios kag personal nga Manluluwas. Nagatoo ako nga

luwason Mo ako kag paga dal-on Mo ako sa langit kung ako mapatay. Amo ini ang akon pangamuyo sa Ngalan ni Cristo Jesus. Amen.

Kun gin pangamuyo mo ina nga pangamuyo- suno sa Polong sang Dios- IKAW LUWAS! HALLELUJAH!

Magsiling ka, wala ako sing may nabatyagan nga lain. Ang imo kaluwasan wala naga depende sa imo balatyagon.
INI TANAN NAKADEPENDE SA DIOS!

Ang Dios nagsiling nga ikaw luwas kun nagbaton ka kag nagsalig kay Jesu Cristo. Lantawa, wala ini nagsiling nga “basi” maluwas- apang “MALUWAS.” **IKAW LUWAS!**

Kay nagsiling ang Kasulatan, "Ang bisan sin-o nga magdangop sa Ginoo maluwas." MGA TAGA-ROMA
10:13

Lantawa ang ginasing sang Juan 3:36! Ini nagsiling nga “MAY KABUHI NGA WALA SING KATAPUSAN!
Indi sang “basi” ukon “tani”- APANG MAY- **IKAW LUWAS!**

Sia nga nagatoo sa Anak may kabuhi nga walay katapusan: kag sia nga wala nagatoo sa Anak indi makakita sang kabuhi; apang ang kasingkal sang Dios nagapabilin sa iya. John 3:36
Abyan, kung ikaw nagpangamuyo sang pangamuyo kag nagbaton kay Jesu Cristo- **IKAW LUWAS!** Ginhimo mo ang siling sang Dios- **KAG ANG DIOS WALA NAGABUTIG!**

Kag amo ini ang nagahatag sa aton sing paglaom nga kita may kabuhi nga wala sing katapusan. Sa wala pa ang kalibutan, nagpromisa na ang Dios nga hatagan niya kita sang kabuhi nga wala sing katapusan, **KAG ANG DIOS WALA NAGABUTIG ; Titus 1:2**